

靈寶領教濟度金書卷之七十五 般六

洞微高士開光教苦真人寶金六授
靈寶通玄私教水南先生林靈六編

科儀立成品生神齊用
宿啓儀

入戶 法師密呪祝

玉華散景九氣凝煙香雲密羅徑衝九天侍
香金童傳言玉女傳臣所奏上聞帝前令臣
所降咸賜如言今日告齋諸天臨軒三界五
帝列言上清執錄把籍齊到帝前迎散起死
無量度人

各禮師存念如法

宣衛靈呪

東方

九炁青天 明星大神 煥照東鄉 洞映九門
轉燭陽光 掃穢除氛 開明童子 號曰玄卿
備衛我軒 上對帝君 收魔東林 討捕兇群
奉承正道 赤書玉文 九天符命 攝龍驛傳
普天安鎮 我得飛仙和與道合真

南方

三炁丹天 煥景流光 榮星轉燭 洞煥太陽
上有赤精 合契虛皇 開明童子 號曰華芳
總御火兵 備守玉堂 斬邪束祇 剪截魔王
北帝所承 風火衝當 流鈴交煥 翊衛壇場
正氣流行 敢有猖狂 我享上功 坐運魁罡
億劫長存 保天無疆 和與道合真

西方

七炁素天 太白流精 光耀金門 洞朗太冥
中有素皇 號曰帝靈 保神安鎮 衛我身形
斷絕邪源 王道正明 宮殿整肅 三景齊昇
道合自然 飛昇紫庭 靈寶符命 普衛萬生
元皇正炁 來合我身 功加一切 天地咸寧
和與道合真

北方

五炁玄天 元始徘徊 辰星轉燭 洞煥太微
黑靈尊神 號曰層威 統冠飛天 仙裙羽衣
備守五門 檢精捕非 敢有干試 豁落新摧
玉符所告 神真八威 邪門閉塞 正道流輝
三光映照 我身無衰 策空駕浮 舉形仙飛
和與道合真

中央

黃炁中央 調理乾坤 陶鑄陰陽 總統玄真
鎮星吐輝 流耀九星 開明童子 號曰天璣
陽炁鍊上 朱煥炎精 洞照內外 運我身形
百邪摧落 攝役鬼靈 中山神呪 普天使聞
五靈安鎮 身飛上清 和與道合真

鳴法鼓二十四通

无上三天 玄元始三炁 太上老君召出臣等
身中三五功曹 左右官使者侍香金童傳言
散花玉女五帝 直符直日香官各三十二人
出出者嚴裝開啓玄壇天帝神君當召此間
土地里域真官正神 急上關啓臣今奉為奉
書以今宿啓告齋願得
靈寶自然生神妙炁 下降流入臣等身中令
所啓之誠 速達徑御

請稱法位

虛无大道 九天元皇玉帝御前
具位奉行靈寶生神妙齋法事小兆臣某與
臨壇官衆等 今故燒香願以是功德上為
天子王侯土地官長三師四支祭酒學真弟

子孫所為亡靈九祖父母內外姻族天下人民蠕動蚩飛政行喙息无違无極法界衆生皈身皈神皈命

无上靈寶自然至真大道特乞原赦前生今世生死宿罪重過得免離三惡五道十苦八難九厄之中臣等身得道真飛行虛空白日升天侍衛元尊道遠无上七寶自然宮殿永與道合所啓玄感應聲上御至真无極道前

禮方

- 志心皈命東北方鬱單无量天尊
- 志心皈命東方上上禪善无量壽天尊
- 志心皈命東南方梵監須延天尊
- 志心皈命南方寂然兜術天尊
- 志心皈命西南方波羅尼密不騷樂天尊
- 志心皈命西方洞玄化應聲天尊
- 志心皈命西北方靈化梵輔天尊
- 志心皈命北方高虛清明天尊
- 志心皈命中央无想无結无愛天尊
- 禮足各長跪皈命虔誠懺悔

三禮

臣法衆等志心皈神皈命 虛无大道九天生神上帝天尊以今宿啓告齋焚香懺悔臣聞九霄降炁金書開生死之祥三洞垂文玉範著齋修之典將肅恭於奏對先疏論於根塵勉罄精誠恪祈通感猶慮臣等業機未破塵網猶逐并并威儀或冒三元之律昭昭禁戒易違四極之科尚冀修持曲垂覆護精炁神之混化觀妙疑真身口意之澄清運神合景臣等志心稽首禮拜 无上至真三寶

三啓

樂法以為妻 愛經如珠玉 持戒制六情 念道遠所欲 澹泊正氣傳 蕭然神靜默 天魔並敬護 世世享大福 鬱鬱家國威 濟濟經道典 天人同其願 縹緲入大乘 因心立福田 靡靡法輪昇 七祖生天堂 我身白日騰 鍊質入仙真 大道洞玄虛 有念無不契 鍊質入仙真 遂成金剛體 超度三界難 地獄五苦解 悉歸太上經 靜念稽首禮

三禮

等志心稽首禮 太上无極大道 志心稽首禮 三十六部尊經 志心稽首禮 玄中大法師 重稱法位 具位奉行靈寶生神妙齋法事小苑臣其與臨壇官衆等謹同誠上啓

虛无自然无極大道元始天尊玉晨元皇道君萬變混沌玄元老君高上玉皇昊天上帝三寶丈人三寶帝君九天應元雷聲普化天尊无上九天生神上帝元父真母元皇帝君三十六部尊經玄中大法師玉輔上宰四協侍宸飛天神王九天真衆三界應感一切真靈臣等慶緣浩劫運際昌時瓊網昭八會之章師傳玄妙瑤簡煥九光之策天錫希夷分宜高蹈於山林迹尚早禮於朝市駒聰忽忽蟻屠慙慙慨素志之未圓思玄功之尚鬱水

流宣化期參贊於天工弘道濟時庶潛孚於帝
賜益堅終誓敢叛初盟爰有詞文謹當宣奏

宣詞

按如詞言情深激越齋主其仰依帝力俯軫天
輪歲月載馳痛音容之永遠升沉靡測增骨肉之
深悲惟生神賴三寶之光而死魄藉九陽之悉爰
依經訓恭按齋盟祈膏極之晨輝蕩幽關之陰垢
等鋪張懸歎深雪精神呼陰召陽振金聲而九奏
法天象地崇玉陛以三成蘭煙騰縹緲之芳蓮炬
散爰煌之影自今月某日為始崇建靈寶生神妙
齋晝夜轉經行道炷香散花奉為亡故其消化
惡根斷除宿對鍊胎返本超凌黑鬱之都結蒸
成形遊宴綠羅之界謹依科法宿啓以聞恩惟
三寶慈尊九天上帝俯垂慈造曲鑒翹誠敦勒
三洞仙官三寶真屬侍經護法監齋衛真土地
職僚虛空鑒察同心協力掃內外之秋氛傳信
達誠契人之影響衛護壇席成就齋功令臣等萬
蒸冲

虛百關調暢發天光於泰宇密契虛無混神
景於玄虛允符窈妙開九清之慧日布五道
之慈雲化洽幽明覃恩勳植明晨行道續啓
以聞臣誠惶誠恐稽首頓首再拜以聞

告符

十二願

- 一願乾坤明素
 - 二願氣象清玄
 - 三願聖君萬壽
 - 四願化洽八埏
 - 五願天垂甘露
 - 六願地發祥煙
 - 七願四時應候
 - 八願萬物生全
 - 九願家多孝悌
 - 十願國富才賢
 - 十一願齋功廣被
 - 十二願善瑞日臻
- 存神復爐
- 香官使者左右龍虎君侍香諸靈官當令臣
宿啓建齋之所自然生金液丹碧芝英百靈
衆真交會在此香火爐前令臣學道得道求
仙得仙齋主受福幽顯沾恩十方仙童玉女
侍衛香煙傳臣向來所啓之誠連達徑御
虛无大道九天元皇玉帝御前

出堂頌

道以齋為先 勤行登金闕 故設大法橋
普度諸人物 宿世恩德報 道心超然發
身飛升仙都 七祖咸解脫
回靜默堂 謝師

靈寶頌救濟度金書卷之七十五